



UNIVERSITÄTS-
BIBLIOTHEK
PADERBORN

Universitätsbibliothek Paderborn

Thronus Dei Maria Deipara

Spinelli, Pietro Antonio

Coloniæ Agrippinæ, 1696

Virgines martyres in Hispania sub persecutione Arabica. n. 40.

[urn:nbn:de:hbz:466:1-46853](https://nbn-resolving.org/urn:nbn:de:hbz:466:1-46853)

quisita doctrina insignem, nullis Maximini precibus, quasi importunis adduci potuisset, ut ejus impuræ voluptari obsequeretur, ideoque fuga multatam omnibus bonis spoliasset; existimat fuisse S. Catharinam quam vult à Maximino, quod eam vehementer deperiret, post fugam diligenter conquistam, nec sibi consentientem martyrio affecisse. Nec obstat, quod Ruffinus lib. 8. cap. 17. mulierem aliam vocavit Dorotheam: fieri eam potuit, ut ante baptismum vocaretur Catharina, seu ut alii scribunt Hecatarina ab Hecate, sed post baptismum dicta sit Dorothea: verum priore nomine fuisse magis notam, hæc ex Baronio.

Virgines sacræ apud Heliopolim ad Libanum sitam, tempore Juliani Apostatæ magna crudelitate ab infidelibus earum urbium incolis in loco publico vestibus nudatæ, oculis insultantium sunt expositæ, tonsis ad contumeliam criminibus, quas postea dissecabant bifariam & ad illarum intestina devoranda porcos provocabant, viscerum extremitate consucto illis alimento operata, quo non tam facile ea porci internoscerent, sed consuetum alimentum necessitudo appetentes neciam humanas discerperent. hæc ad verbum Sozom. lib. 5. cap. 9.

Bibiana virgo Romæ 2. Decemb. sub Juliano Imperatore sacrilego, ob Christum tamdiu est plumbatis caesa, donec redderet spiritum.

Flavia virgo Romana Messana 5. Octobris cum sanctis Placido, Eutychio, & Victorino fratribus aliisque Monachis pro Christi fide à Manucha immani pirata necati sunt anno 539.

Augusta virgo filia Marruci Principis genere, & opibus insignis, natione, ut ferunt, Alemanni Idolorum cultoris, qui inclinato jam Imperio Romano in agro Forolivienfi nõ procul è Seravallo arcem sibi construxerat. hæc clam patre Christi fidem cum baptismo suscepit, Deoque virginitatem suam dicavit, quo cognito pater eam graviter objurgat, sed cum in fide Christi constans persisteret, duos ei dentes evelli, & in carcerem detrudi fecit. deinde inter duas arbores mediam suspendi, ac subiecto igne torqueri iussit, sed nil læsa rotam prominentibus clavibus ad dilacerandum virginis corpus excogitat, qua per Angelum contracta, capite truncata ad sponsum pervenit die 27. Martii, eam post mortem Deus multis miraculis illustrè reddidit, cuius vitam describit Surius tom. 7.

His adungere possemus complures alias virgines & martyres, de quibus in hist. Ecclesia-

sticis, & in Martyrologio præclara leguntur.

Sirmii recoluntur septem virgines, & martyres 9. Aprilis.

Antiochiæ alix quadraginta sub Decio 24. Septembris.

Heracleæ alix quadraginta sub Licinio Tyranno, quas in fide erudierat S. Ammon Diaconus, qui cum eis passus est.

In Perside quoque tempore Constantii Imperatoris sub Sapore Rege Persarum, complures per totam Persidis Regionem pro Christi nomine gladio caesi sunt, ex quibus plurimæ sacræ virgines fuerunt, inter quas Tarbula soror S. Simeonis Episcopi Seleuciæ, & Ctesiphontis cum pedissequa sua stipitibus alligatæ, ferræque scissæ, crudelissimè necatæ sunt. Harum omnium memoria die 22. Aprilis in Martyrologio clara habetur.

In Africa quoque passio plurima sanctarum virginum sub Hunnerico Vandalorum Rege Ariano, quæ suspendia, pondera, laminaeque ignitas tolerantæ martyrii agonem feliciter consumarunt, quarum memoria in Martyrologio extat die 16. Decembris.

Ad has revocare possumus virgines sacræ, quæ Catholicam Religionem contra Arianos profitebantur; quos enim, quantaque indigna ab eis passæ sint Alexandria, satis declarat S. Athanasius in Apologia sua ad Constantium, Epistola Synodalis Concilii Alexandrini apud eundem Athanasium in Apologia secunda, de quibus Cardinalis Baronius tom. 3. ad annum Domini 335. quo modo etiam sanctimoniales virgines in Palæstina ab iisdem Arianis graviter vexatæ fuerint, narrat S. Eusebius Vercellensis in Epistola è carcere data ad Vercellenses, & alios, quæ extat apud Lippomannum tom. 2. & Baronium tom. 3. ad annum 336.

VIRGINES MARTYRES IN Hispania sub persecutione Arabica,

Nec silentio prætereunda sunt virgines illæ in Hispania omni præconio celebrandæ, quæ in Arabica persecutione pro Christi fide mortem fortiter oppetierunt, quarum triumphos à se inspectos sanctus Eulogius Presbyter, & inelyrus Christi martyr, cuius memoria 11. Martii celebris habetur, dum in carcere detineretur, accurate est profecutus. Nos brevissimè eas indicabimus.

Nundo & Alodia virgines sorores Osæ die

11. Martii 22. Q.

22. Octobris Mahumetano patre progenita, matre vero Christiana, non tamen admodum pia, cum nec illecebris, nec minis à fide abduci possent, gladio eafæ anno 851. magnis miraculis etiam ega Mahumetanos claruerunt.

Flora, & Maria fo. ores virgines Cordubæ 24. Novembris post diurnos carceres gladio sunt interceptæ anno 851. cum autem detententur in carcere, reliquis fideibus eodem carcere clausis pollicentur liberationem ipsorum se impetraturas à Domino, ubi consummato martyrio ad Deum pervenissent, idque præstiterunt, nam post sextum diem, quo illæ sunt coronatæ fideles à carcere sunt liberati, quemadmodum narrat S. Eulogius, qui cum aliis victus aderat.

Digna virgo Cordubæ 14. Junii cum Anastasio Presbytero, & Felice Monacho in persecutione Arabica martyrio coronati

Columba virgo Cordubæ 17. Sept. martyr in eadem persecutione Arabica anno 853.

Pomposa virgo Cordubæ 19. Septembr. eodem anno 853. passa.

Aurea virgo Cordubæ 19. Julii, quæ aliquando lapsa, sed facti pœnitens, iterato certamine hostem effuso sanguine superavit anno 856.

Leocretia virgo Cordubæ 15. Martii pro Christi fide decollata; ex Alvaro in vita S. Eulogii, qui asserit 4. die post martyrium S. Eulogii S. Leocretiam occubuisse.

Ad extremum recensentur ex Martyrologio Romano mulieres alias, quæ cum virginibus coronatæ martyrii palmam conjunxerunt, a scripto suo die, & martyrio, quod in eodem Martyrologio summam adnotatur, quibusdam interdum ad majorem declarationem adjectis notulis.

Pientia virgo, & martyr in pago Vilcastino 11. Octobris, una cum SS. Martyribus Nicasio primo Rhodanensi à Clemente Papa missis, & Quirino Presbytero, & Scubiculo Diacono sub Præside Fescennino passa est.

Quiteria virgo, & martyr in Hispania 22. Maii, quæ ex Thesauris Concionatorum tortura martyrio est affecta circa annum Domini 100.

Veneranda virgo, & martyr in Gallia 14. Novembris Antonino Imperatore, & Asepiade Præside.

Aurea virgo, & martyr apud Ostia Tiberina 14. Augusti Alexandro Imperatore, quæ saxo ad collum ligato in mare demersa est, ejus

corpus ad litus ejectum, B. Nonnus sepelivit. Nympha virgo die 10. Novembris, Decio Imperatore Christum verum Deum esse testata, martyrii palmam cum Triphone, & Respicio Tribuno esse consecuta.

Euthalia virgo, & martyr in Sicilia apud Leontinos 27. Augusti, quæ cum esset Christiana, à fratre suo Sermiliano gladio caesa migravit ad sponsum.

Martha virgo, & martyr in Civitate Asturicensi 23. Februarii Decio Imperatore sub Paterno Proconule.

Tertulla, & Antonia sacre virgines, & quædam mulier cum suis geminis cum Agapio, & Secundino Episcopis, & Amihano milite in persecutione Valeriani Cirthæ in Numidia illustre martyrium consummarunt.

Agrippina virgo, & martyr in Sicilia Valeriano Imperatore 24. Maii.

Lucilia virgo, & martyr Romæ 31. Octobris, una cum Patre Nemestio Diacono pro fidei constantia jubem Valeriano Imperatore decollati 25. Augusti.

Albina virgo, & martyr Formis in Campania Decio Imperatore 26. Decembris.

Secundina virgo, & martyr Anagninæ 15. Januarii Decio Imperante.

Anastasia senior virgo, & mart. Romæ 28. Octobris, quæ in persecutione Valeriani sub Probo Præsfecto vinculis constricta, colaphis caesa, igne, & verberibus cruciata, cum in confessione Christi immobilis permaneret, oculis unguibus, dentibus comminutis, manibus pedibusque præcisus, truncta capite, tot passionum modis ornata migravit ad sponsum; cui aquam petenti Cyrillus propinans Martyrium pro mercede accepit.

Resiuta virgo, & martyr Soræ 27. Maii. Hæc Aureliano Imperatore pro Christi fide dæmonum impetus, parentum blanditias, & tortorum sævitiam superavit; demum cum aliis Christianis capite truncata, martyrio decorata est.

Benedicta virgo, & martyr Romana ex Senatoribus progenita in Territorio Lugdunensi passa 8. Octobris, ejus egregium pro Christo certamen describit Petrus in Catalogo lib. 9. cap. 40.

Candida virgo, & martyr Romæ 29. Augusti in Ecclesia S. Praxedis à Patriciali I. condita.

Primitiva virgo, & martyr Romæ 23. Julii.

Gale

Gaudentia virgo, & martyr Romæ 30. Augusti cum aliis tribus.

Sophia virgo & martyr Firmi in Piceno 30 Aprilis.

Agape virgo, & martyr Interamnæ 15. Februa. 1.

Domina virgo, & martyr Interamnæ 14. Aprilis cum sociis virginibus coronata.

Eusebia virgo, & martyr Bergomi 29. Octobris.

Felicissima virgo, & martyr Faleriæ in Tuscia 12. Augusti cum Graciliano, quibus pro fidei confessione ora primò lapidibus contusa sunt, dehinc gladio percussis optatam martyrii palmam susceperunt.

Bassa Paula, & Agathoica virgines, & martyres Carthagine 10. Augusti.

Julia virgo, & martyr Cathaginensis in Corsica 22. Maii, quæ crucis supplicio coronata est circa annum 439.

Candida virgo, & martyr Carthaginensis 20. Septembris, quæ sub Maximiano Imperatore plagis toto corpore dilacerata, martyrio coronata.

Fides virgo Agenni in Gallia 6. Octobris. Hæc ab infantia virginitate Deo dicata cum Christum confiteretur super craterem æream extensa, & substratis carbonibus, adipeque flammis injecto, dum sic coqueretur, multos suæ virtutis exemplo converterit, & ad martyrium animavit, inter quos B. Caprasius in spelunca latitans divino signo firmatus ad martyrium est roboratus, qui postea 20. Novembris martyrii palmam accepit; beata verò Fides post multos pro Christo agones, capite cæsa est, & honorifice tumulata.

Julia virgo, & martyr Trevis 21. Julii.

Regina virgo, & martyr in territorio Augustodunensi 7. Septembris, quæ sub Proconsule Obbrio carens, & equulei, & lampada; perpessa supplicia; demum capitali sententia damnata, migravit ad Sponsum.

Saturnina virgo, & martyr Atrebatî 4. Junii.

Marina virgo, & martyr Galleciæ in Hispania 18. Julii prope Civitatem Orenem, ubi ejus corpus requiescit, & magna cum pietate ab incolis venerationi habetur.

Paula virgo, & martyr Malagæ in Hispania 18. Junii, una cum Cyriaco pro Christo lapidibus obruta.

Julia virgo, & martyr apud Augustam Eu-

fratesiam 7. Octobris sub Marciano Præside.

Maura virgo, & martyr Constantinopoli 30. Novembris, cuius nomine insignita est insula quædam in mari Ionio, quæ olim dicebatur Leucade.

Paula virgo, & martyr Constantinopoli 3. Junii, quæ sanguinem martyrum colligens comprehensa, & virgis cæsa, & in ignem coniecta: sed liberata eodem loco, ubi S. Lucillianus crucifixus fuerat, collata est.

Justina virgo, & martyr 30. Novembris.

Alia quoque Pelagia virgo, & martyr Antiochiæ diversa ab ea, de qua infra sect. 5. cum Beronico, & aliis 49. martyrium consumnavit.

Macra virgo in Territorio Rhemenfi 6. Januarii. Hæc in persecutione Diocletiani in igne illæsa mamillarum abscissione, & squalore carceris afflictæ super testas etiam acutissimas, & prunas volutata orans migravit ad Dominum.

Asteria virgo, & martyr Bergomi in persecutione Diocletiani, & Maximiani Imperatorum 10. Augusti.

Charitina virgo, & martyr 5. Octobris, quæ sub Diocletiano Imperatore, & Domitio Cæsulari ignibus cruciata, & in mare dejecta, cum inde incolumis evasisset, manibus, & pedibus abscissis, dentibusque convulsis, in oratione posita spiritum emisit.

Eulampia virgo, & martyr Nicomediæ 10. Octobris, quæ cum audisset Eulampium fratrem pro Christo torqueri, exilium in mediam turbavit, eumque amplexata, sociam se illi adjunxit, atque ambo in ollam ferventis olei coniecti, sed nulla ex parte læsi, una cum aliis ducentis, qui eo miraculo permoti ere diderant in Christum, obtruncatione capitis martyrium compleverunt.

Eustochium virgo, & martyr Tarsi in Cilicia 2. Novembris, quæ sub Juliano Apostata post duæ tormenta in oratione reddidit spiritum.

Luctetia virgo, & martyr Emeritæ in Hispania 23. Novembris, in persecutipne Diocletiani sub Daciano Præside martyrium consumnavit.

Paulina virgo, & martyr 6. Junii, quæ sub Diocletiano Imperatore cum Candida matre in cypram impulsæ lapidibus, ac rudibus obruta est. Artemius verò ejus pater plumbatis cæcis, gladio percussus est.

Flaviana virgo, & martyr Antifiodori s. Octobris unâ cum germano suo Firmato Diacono passa est.

Raineldis virgo, & martyr Santis in Gallia 16. Julii unâ cum sociis qui à Barbaris pro fide Christi cæsi sunt, circa annum 630.

**MULIERVM EXEMPLA QVÆ
pro virginitate tuenda atrocissimis tor-
mentis, & acerbissima neci se
exposuerunt.**

SECTIO V.

41. **V**ERA est illa Ambrosii sententia, quam lib. 1. de Virginibus scriptam reliquit: *Non ideo, inquit, laudabilis virginitas, quia & in martyribus reperitur, sed quia ipsa martyres faciat.* Etenim quamplurimæ mulieres tanto studio Deiparæ virginitatem sibi imitandam suscipere, ut non tantum Regum, aliorumque primariorum conjugia, opibus, atque divitiis, quæ offerebantur contemptis, recusarint absq; ullo sui periculo: verum etiam pro conservanda virginitate labores multos, multas difficultates superare, sævissimos cruciatus experiri, & mortem ipsam subire non detrectarunt. Ejusmodi fuere complures virgines, quæ amore castitatis, quam Christo voverant, sponso quibus à parentibus desponsæ fuerant, vel à quibus in matrimonium petebantur, repudiarunt: vel etiam alios, à quibus ad turpitudinem sollicitabantur, obfirmato animo rejecerunt, eaque de causa illatam mortem fortiter oppetierunt, atque adeo gloriosam martyrii palmam sunt adeptæ, ut propterea Hieronymus Epist. 8. de Agnete puellula: *Ætate, inquit, vicit, & tyrannum & titulum castitatis martyrio consecravit.* harum exempla ab Ecclesiasticis historiis, Sanctarumque vitis, quæ à probatissimis Auctoribus sunt conscriptæ, nobis abundè suppeditantur: earum nommulas in præsentia recensebimus.

Tecla virgo illustri genere Iconii orta à S. Paulo fidei præceptis instituta 23. Septembris, hæc decem & octo annos nata à nuptiis per Apostolum revocatur: Thamiudem sponsum virum, teste Epiphanio hæref. 78. Urbis primum, ac generosum, egregia forma, ac divitiis ornatum, reliquit: *Quare, inquit Ambrosius*

lib. de Virginibus) *Sponsi furore damnata ad bestias earum naturam virginitatis veneratione mutavit; ejus enim pedes lingebar, prædamque suam adorabat bestia, miro testificante sono, quod sacrum virginis corpus violare non audeat:* similiter ex ardenti vogo, ac fossa serpentibus plena, in quam conjecta fuerat, Christi gratia liberatur, cujus fidei ardore, & sanctitate complures ad Christum conversi, demum in montem sola secedens, multis virtutibus, & miraculis insignis Seleucia: nonagenaria migravit ad Dominum, pluribus ad ejus sepulchrum religionis causa confluentibus, quem admodum testatur Theodoretus in historia religiosa cap. 29. & Pratum spirituale, cap. 180. quo etiam Sanctus Gregorius Nazianzenus accessisse scribitur. Zeno verò Imperator, quod S. Teclæ monitu, & ope Imperium denuo esset consecutus, Seleucia templum splendore & pulchritudine æmulum illi erexit, teste Evagrio libro 3. histor. cap. 8. nec illud omitendum sanctam Teclam Protomartyris nomen inter fœminas merito esse consecutam, ut videre est apud Damascenum in oratione de his, qui in fide dormierunt, & Isidoro Pelusiota lib. 1. Epist. 160. ad Tarasium, & in Euchologio Gæcobrum cap. 96. teste Billio in Scholis in eundem Damasceni. Quare & nos primam inter eas, quæ propter pudicitiam decertarunt, recensuimus; quanti verò faciendum sit ejus patrocinium, satis declarat Ecclesia, quæ precibus, quæ in commendationem animæ præscribuntur, hæc ponit: *Et sicut beatissimam Teclam Virginem, & martyrem tuam de tribus atrocissimis tormentis liberasti, sic liberare digneris animam huius servi tui.*

Felicula virgo socia sanctæ Petronillæ Apostoli Petri filia Romæ 13. Junii Cum enim Flaccus comes sanctæ Petronillæ conjugium expetisset, illaque tertio die (triduum enim ad deliberandum acceperat) migrasset ad Christum; Flaccus ad Feliculae nuptias animum adiecit, quæ cum nec illi nubere, quod Christo sacrata esset, nec idolis immolare vellet, post tenebrosam custodiam, & sævis in ediam in Christi confessione perseverans, tamdiu in equuleo est torta, donec emitteret spiritum, quam in eloacæ prostratam S. Nicomedes Presbyter in via Ardeatina sepelivit; quod cum rescisset Flaccus Comes, sanctum Nicomedem Christum consistentem martyrio affecit, cujus festum